

**MACERA** per integrum diem in vase vi-  
treo, vel saltem terreo vitreato; deinde effunda-  
tur liquor et coletur per linteum tenue, diligen-  
ter evitata omni expressione; postea saccharo  
purissimo fiat syrupus.

## SYRUPUS ZINGIBERIS.

**R.** Zingiberis tenuiter concisi *p.* uncias quatuor,  
Aquæ bullientis *m.* libras tres.

**MACERA** per aliquot horas, et cola; deinde  
addendo saccharum purissimum fiat syrupus.

## CONFECTIO ALKERMES.

**R.** Succi granorum kermis tepesfacti, et colati  
*p.* libras tres,

Aquæ rosarum Damascenarum *m.* uncias sex,

Olei cinnamomi *p.* scrupulum dimidium,

Sacchari purissimi *p.* libram unam.

**SACCHARUM** cum aqua rosarum balnei  
calore liquefac in syrupum, deinde succum ker-  
mes immisce, et, postquam refrixerit, oleum  
cinnamomi.

MELLA et OXYME-  
LITA.

## MEL ÆGYPTIACUM.

**R.** Æruginis minutissimæ tritæ *p.* uncias quinque,  
Mellis *p.* uncias quatuordecim,  
Aceti *m.* uncias septem.

COQUANTUR omnia simul leni igne ad idoneam spissitudinem, et colorem subrubrum: hujus mixturæ post aliquod tempus pars crassior subsidet; quod vero supernatat, vocatur mel Ægyptiacum.

## MEL ELATINES.

℞. Succī elatines depurati m. libras quatuor,  
Mellis despumati p. libras quatuor.

COQUE ad debitam spissitudinem.

## MEL HELLEBORATUM.

℞. Radicū hellebori albi ficcatarum et concifarum p. libram unam,  
Mellis despumati p. libras tres,  
Aquæ m. libras quatuor.

POST macerationem radicū per triduum in aqua præscripta coque paululum; deinde exprime, et liquorem expressum iterum cola; postea recoque cum melle ad debitam spissitudinem.

## MEL ROSACEUM.

℞. Rosarū rubrarū immaturarū, demptis unguibus, celeriter arefactarū p. uncias quatuor,  
Aquæ bullientis m. libras tres,  
Mellis despumati p. libras quinque.

MACERA rosas in aqua per aliquot horas; deinde liquori colato admisce mel, et coque ad debitam spissitudinem.

MEL

MEL SOLUTIVUM.

- ℞. Liquorem ex rosarum Damascenarum p. libris sex post distillationem residuum,  
Seminum cymini parum contusorum p. unciam unam,  
Sacchari rubri p. libras quatuor,  
Mellis p. libras duas.

COQUE liquorem expressum ad trium librarum mensuram, circa finem adjectis seminibus linteo deligatis; dein, addito saccharo et melle, leniter decoque ad mellis liquidi spissitudinem.

OXYMEL ex ALLIO.

- ℞. Allii concisi p. fescunciam,  
Seminum carvi,  
Seminum foeniculi dulcis, singulorum p. drachmas duas,  
Mellis despumati p. uncias decem,  
Aceti m. libram dimidiam.

COQUE acetum aliquantisper in vase fictili vitreato cum seminibus contusis; deinde, addito allio, vas tegatur; postquam refrixerit, liquore expresso dissolve balnei calore mel.

OXYMEL SCILLITICUM.

- ℞. Mellis despumati p. libras tres,  
Aceti scillitici m. libras duas.

COQUE in vase fictili vitreato, lenique igne, ad syrapi spissitudinem.

OXYMEL SIMPLEX.

- ℞. Mellis despumati p. libras duas,

F 3

Aceti

Aceti  $\mathcal{M}$ . libram unam.

COQUE in vase fictili vitreato, lenique igne,  
ad syrupi spissitudinem.

## PULVERES.

### PULVIS ANTILYSSUS.

$\mathcal{R}$ . Lichenis cinerei terrestris  $\mathcal{P}$ . uncias duas,  
Piperis nigri  $\mathcal{P}$ . unciam unam.

IN pulverem simul contendantur.

### PULVIS ARI

compositus.

$\mathcal{R}$ . Radicis ari recens ficcatae  $\mathcal{P}$ . uncias duas,  
gladioli lutei,  
pimpinellæ saxifragæ, singulorum  $\mathcal{P}$ .  
unciam unam,

Oculorum cancrorum præparatorum,

Cinnamomi, singulorum  $\mathcal{P}$ . unciam dimidiam,

Salis absinthii  $\mathcal{P}$ . drachmas duas.

CONTUNDANTUR in pulverem vase clau-  
so servandum.

### PULVIS e BOLO COMPOSITUS

sine opio.

$\mathcal{R}$ . Boli Armeniae, aut Gallicæ  $\mathcal{P}$ . libram dimidiam,  
Cinnamomi  $\mathcal{P}$ . uncias quatuor,  
Radicis tormentillæ,  
Gummi Arabici, singulorum  $\mathcal{P}$ . uncias tres,  
Piperis longi  $\mathcal{P}$ . unciam dimidiam.

IN